



REPUBLIKA E SHQIPËRISË
BASHKIA BERAT

PROJEKT VENDIM

Nr.____, datë _____.____.2025

“PËR MIRATIMIN E PROJEKT-MARRËVESHJES PËR KRIJIMIN E PERSONIT JURIDIK SI SUBJEKT I KOMPETENCAVE TË PËRBASHKËTA MIDIS NJËSIVE TË VETËQEVERISJES VENDORE DHE KËSHILLIT TË MINISTRAVE PËR RRITJEN E KAPACITETEVE TË QEVERISJES VENDORE, AKADEMIA E TRAJNIMIT TË NJËSIVE TË VETËQEVERISJES VENDORE TË REPUBLIKËS SË SHQIPËRISË (TALGA) DHE MIRATIMIN E FINANCIMIT TË BASHKISË BERAT PËR ANËTARËSIMIN DHE PAGESAT NË AKADEMINË E TRAJNIMIT”

Në mbështetje të nenit 2, pika 11, nenit 8, pika 2, nenit 9, pika 1, nënpika 1.1, shkronja “b” dhe nënpika 1.6, shkronja “b”, nenit 14 pika 5, neni 51 pika 4, nenit 54, shkronja “d” dhe “gj”, nenit 55 pikat 3, neni 64 shkronja “h”, të Ligjit nr. 139/2015, “Për vetëqeverisjen vendore” (i ndryshuar), Ligjit Nr. 8548, datë 11.11.1999 “Për ratifikimin e Kartës Evropiane të Autonomisë Vendore”, Ligjit nr. 8788, datë 07.05.2001 “Për organizatat jofitimprurëse” (i ndryshuar), Vendimin e Këshillit të Ministrave Nr. 405, datë 16.07.2025 “Për autorizimin e ministrit përgjegjës për çështjet vendore për negocimin dhe nënshkrimin e marrëveshjes me njësitë e vetëqeverisjes vendore për krijimin në krijimin e personit juridik si subjekt i kompetencave të përbashkëta me vetëqeverisjen vendore për rritjen e kapaciteteve të qeverisjes vendore të Republikës së Shqipërisë”, me propozim të Kryetarit të Bashkisë, Këshilli Bashkiak,

V E N D O S I:

1. Të miratojë marrëveshjen për krijimin e personit juridik si subjekt i kompetencave të përbashkëta (SKP), në formën e organizatë jofitimprurëse me anëtarësi, midis njësive të vetëqeverisjes vendore të Republikës së Shqipërisë dhe Këshillit të Ministrave të Republikës së Shqipërisë për rritjen e kapaciteteve të qeverisjes vendore të Republikës së Shqipërisë, dhe

anëtarësimin e Bashkisë Berat në SKP, të quajtur “Akademia e Trajnimit të Njësive të Vetëqeverisjes Vendore të Republikës së Shqipërisë (TALGA)”, bazuar në statutin dhe aktin e themelimit bashkëlidhur këtij vendimi”.

TALGA do të ketë si mision zhvillimin dhe kualifikimin profesional të qëndrueshëm të të zgjedhurve, nëpunësve civilë dhe punonjësve të tjerë të njësive të vetëqeverisjes vendore, përfshirë punonjësit e institucioneve dhe ndërmarrjeve në varësi, me qëllim rritjen e performancës profesionale të tyre për t'i shërbyer cilësisht komuniteteve, për të përmbushur funksionet dhe kompetencat ligjore të njësive të vetëqeverisjes vendore (NJVV), si dhe për të përballuar me sukses sfidat e NJVV-ve në procesin e integritit të Shqipërisë në Bashkimin Evropian. Në kuadër të misionit të saj TALGA bën vlerësim të nevojave për trajnim, harton programe trajnimi dhe planet e trajnimeve, administron dhënjen e trajnimeve të vazhdueshme dhe të tjera, përcakton kriteret dhe bën përzgjedhjen e pjesëmarrësve në trajnime, krijon rrjetet e zyrtarëve vendorë për shpërndarjen e njohurive dhe praktikave të mira, administron një platformë të menaxhimit dhe ndarjes së njohurive për zyrtarët e NJVV-ve dhe të interesuar në sektorin e qeverisjes vendore, harton dhe zbaton projekte dhe aktivitete në fushën e veprimtarisë së TALGA, ofron ekspertizë dhe shërbime konsulce ndaj NJVV-ve, bashkëpunon me organizata homologe dhe partnerë të ndryshëm për realizimin emisionit të saj, kryen studime dhe zhvillon dokumente politikash në fushën e zhvillimit të kapaciteteve të zyrtarëve të NJVV-ve.

2. Të miratojë aktin e themelimit të TALGA-s dhe përfaqësimin e Bashkisë Berat në TALGA (SKP), sipas përcaktimeve të statutit të TALGA-s dhe të marrëveshjes bashkëlidhur;

3. Të miratojë efektet financiare të anëtarësimit të Bashkisë Berat si anëtare e TALGA (SKP) dhe detyrimin përkatës të pagesës vjetore të kuotës së anëtarësisë, nga fondi i parashikuar për trajnimet në buxhetin e vitit 2025 dhe në Programin Buxhetor Afatmesëm 2025–2027, dhe në shumën e përlllogaritur në përputhje me planin e financimit të përbashkët të Këshillit të Ministrave dhe të NJVV-të e tjera anëtare dhe vendimit përkatës së Asamblesë të Përgjithshme të TALGA. Efektet financiare për anëtarësimin dhe detyrimet e pagesave vjetore ndaj TALGA, për tri vitet e para e në vijim, do të përballohen nga të ardhurat e veta të bashkisë. Për vitin 2025 miratohet shuma për financim nga bashkia prej 571,456 lekë, për vitin 2026 miratohet shuma e përlllogaritur për financim nga bashkia prej 836,426 lekë, për vitin 2027 miratohet shuma për financim nga bashkia prej 934,240 lekë.

4. Të autorizojë Kryetarin e Bashkisë Berat të nënshkruaj marrëveshjen ndërmjet ministrit përgjegjës për çështjet vendore, i autorizuar me Vendimin e Këshillit të Ministrave Nr. 405 dt. 16.07.2025 *“Për autorizimin e ministrit përgjegjës për çështjet vendore për negociimin dhe nënshkrimin e marrëveshjes me njësitë e vetëqeverisjes vendore për krijimin në krijimin e personit juridik si subjekt i kompetencave të përbashkëta me vetëqeverisjen vendore për rritjen e kapaciteteve të qeverisjes vendore të Republikës së Shqipërisë”* dhe njësive të vetëqeverisjes vendore për krijimin e subjektit të kompetencave të përbashkëta “Akademia e Trajnimit të

Njësive të Vetëqeverisjes Vendore të Republikës së Shqipërisë (TALGA)”, sipas tekstit të marrëveshjes bashkëlidhur këtij vendimi, si dhe të ndërmarrë të gjitha veprimet ligjore dhe administrative dhe të nënshkruajë të gjitha dokumentet administrative për regjistrimin, ngritjen dhe funksionimin e TALGA-s, në përputhje me Statutin dhe Aktin e Themelimit, bashkëlidhur këtij vendimmi, si dhe vendimeve të Asamblesë të TALGA-s;

5.Të autorizojë Kryetarin e Bashkisë Berat të përfaqësojë Bashkinë Berat në organet vendimmarrëse, ekzekutive dhe organe të tjera të ngritura me vendim të Asamblesë së Përgjithshme të TALGA, si dhe të realizojë çdo veprim tjetër për zbatimin e kësaj marrëveshjeje dhe për përmbushjen e detyrimeve që i ngarkohen Bashkisë Berat nga kjo marrëveshje, në përputhje me Statutin dhe vendimet e Asamblesë të TALGA.

6.Ngarkohet Kryetari Bashkisë, Drejtoria e Financave dhe Buxhetit dhe Drejtoria e Burimeve Njerezore për zbatimin e këtij vendimi.

7.Ky vendim hyn në fuqi pas konfirmimit nga Prefekti i Qarkut.

KRYETAR

I KËSHILLIT BASHKIAK

Evisa Çela



REPUBLIKA E SHQIPËRISË
BASHKIA BERAT

KËSHILLI BASHKIAK BERAT

PROJEKT-VENDIM

Nr. _____, datë _____ 2025

MBI MIRATIMIN E PLANIT TË INTEGRITETIT TË BASHKISË BERAT .

Në mbështetje të ligjit nr.139/2015, “Për vetëqeverisjen vendore”, të ndryshuar, neni 8, 9, 54, 64, me propozimin e Kryetarit të Bashkisë, Këshilli Bashkiak

V E N D O S I :

1.Miratimin e Planit të Integritetit për Bashkinë Berat, bashkëlidhur këtij vendimi, i përgatitur nga grupi punës të ngritur me urdhër . Nr.510, datë 14.07.2025.

2.Personi përgjegjës për mbikëqyrjen e zbatimit të planit të integritetit do të caktohet: Arisa Toska, Sekretare e Përgjithshme. Personi përgjegjës për mbikëqyrjen e zbatimit të planit të integritetit ka për detyrë të monitorojë zbatimin e Planit të integritetit, vecanërisht planin e veprimtë për menaxhimin e riskut të integritetit dhe të bëjë sugjerimet e nevojshme për përmirësimin e tij.Të gjithë punonjësit e Bashkisë Berat informojnë personin përgjegjës për mbikëqyrjen e zbatimit të planit, mbi gjendjen e integritetit të bashkisë, për veprime apo ngjarje që mund të ndodhin dhe mund të çojnë në cënimin e integritetit të bashkisë. Punonjësit e Bashkisë duhet me kërkesë të personit përgjegjës për mbikëqyrjen e zbatimit të planit të integritetit të dorëzojnë të dhëna dhe informata të një rëndësie të nevojshme për zbatimin e planit të integritetit, të cilat nuk janë në kundërshtim me rregulloret në fuqi. Së paku një herë në vit dhe më shpesh nëse është e nevojshme, personi përgjegjës për mbikëqyrjen e zbatimit të planit të integritetit është i detyruar të paraqesë para Këshillit Bashkiak,një raport mbi zbatimin e planit të integritetit.

3.Ky Vendim hyn në fuqi menjëherë.

K R Y E T A R I KËSHILLIT BASHKIAK

EVISA ÇELA



REPUBLIKA E SHQIPËRISË
BASHKIA BERAT
KËSHILLI BASHKIAK BERAT

PROJEKT - VENDIM

Nr. _____, Datë / / 2025

Këshilli Bashkiak në mbledhjen e tij të datës / 09 / 2025, pasi u njoh me materialin mbi miratimin e projektit “HEVON, Vaj Extra i Virgjer me Cilesi te Lart dhe Rrjeti i Ndermarjeve te Vogla te Mesme Konkurruese, Interreg IPA South Adriatic ”, në mbështetje të nenit 7 pika 2, nenit 8 , nenit 9 pika 1, shkronja “a”, nenit 54, të ligjit nr. 139/2015 “Për Vetëqeverisjen Vendore”, Marreveshjes se Komisionit Evropian, i cili përfaqëson Bashkimin Evropian, Republikës së Italisë dhe Republikës së Shqipërisë, për programin e bashkëpunimit “(Interreg VI-A) IPA Itali-Shqipëri-Mali i Zi (Adriatiku Jugor)” 2021-2027, Rregullorja (BE) 2021/15295 e Parlamentit Evropian dhe e Këshillit, datë 15 shtator 2021 “Për krijimin e Instrumentit për Asistencën e Paraanëtarësimit (“IPA III”); Udhezim nr. 10, date 12.7.2024 per regjistrimin, perdorimin, rakordimin, raportimin dhe publikimin e fondeve te financimeve te huaja ne kuadrin e marriiveshjeve nderkombetare).

VENDOSI :

1. Të miratojë në parim Projektin “HEVON, Vaj Extra i Virgjer me Cilesi te Lart dhe Rrjeti i Ndermarjeve te Vogla te Mesme Konkurruese, Interreg IPA South Adriatic ”. Ky projekt do të zgjasë 30 Muaj deri në Dhjetor 2027, vlera totale e projektit për Bashkinë Berat është € 130.032,00 nga të cilat € 110.527,20 jane financim i Bashkimit Evropian dhe Bashkia Berat do të bashkëfinancoj me shumën 15%, €19.504 e cila do të mbulohet me kosto stafi.
2. Ngarkohet për zbatimin e këtij vendimi Drejtoria e Integritimit EU dhe Projekteve, Drejtoria e Menaxhimit Financiar dhe të Ardhurave, dhe Drejtoria Juridike.
3. Ky vendim hyn në fuqi pas konfirmimit nga Prefekti i Qarkut.

KRYETAR
I KËSHILLIT BASHKIAK
Evisa Cela



REPUBLIKA E SHQIPËRISË
BASHKIA BERAT
KËSHILLI BASHKIAK BERAT

PROJEKT - VENDIM

Nr. _____, Datë / / 2025

Këshilli Bashkiak në mbledhjen e tij të datës / /2025, pasi shqyrtoi materialin e paraqitur nga Kryetari i Bashkisë, në zbatim të nenit 8, pika 2 e nenit 9, pika 1/1, shkronja b, nenit 9 pika 1/3, shkronja b, nenit 35, pika 5, shkronja a, nenit 54, shkronja f, të ligjit nr. 139/2015 “Për vetëqeverisjen vendore “ i ndryshuar, nenit 7, pika 1, shkronja e dhe f, pika 8, 10 e 11 të ligjit nr.8378, datë 22.07.1998 “Kodi Rrugor i Republikës së Shqipërisë”, ligjit nr. 139/2015 “Për vetëqeverisjen vendore“, ligjit nr.44/2015 “Kodi i Procedurave Administrative të Republikës së Shqipërisë”, ligjit nr. 7961, datë 12.7.1995 “Kodi i Punës i Republikës së Shqipërisë”, i ndryshuar, ligjit 68/2017 “Për financat e vetëqeverisjes vendore”, Vendimit nr. 797, datë 20.12.2023 “Për miratimin e Strukturës, Organigramës së Administratës së Bashkisë dhe të Njësive Shpenzuese në varësi të Bashkisë Berat” për vitin 2024”, VKB nr. 87, datë 18.12.2021 “Për miratimin e numrit të përgjithshëm të punonjësve të Bashkisë Berat dhe Njësive Shpenzuese në varësi të Bashkisë Berat”, i ndryshuar:

VENDOSI :

1.Të miratojë tarifën për humbjen e kartës së abonimit dhe tarifën për humbjen e biletës së parkimit për dy parkimet “Parkimi Goricë” dhe Parkimi në pjesën lindore të Goricës” si vijon:

- Tarifa për humbjen e kartës së abonimit: 1,000 (një mijë) lekë;
- Tarifa për humbjen e biletës së parkimit: 2,000 (dy mijë) lekë.

2. Ngarkohet për zbatimin e këtij vendimi Drejtoria e Menaxhimit Financiar dhe të Ardhurave dhe Agjencia e Sherbimeve Publike.

3. Ky vendim hyn në fuqi pas konfirmimit nga Prefekti i Qarkut.

KRYETAR
I KËSHILLIT BASHKIAK
Evisa Çela



REPUBLIKA E SHQIPËRISË
BASHKIA BERAT
KËSHILLI BASHKIAK BERAT

PROJEKT VENDIM

Nr. Datë . 07 . 2025

"PËR MIRATIMIN E PLANIT TË ARSIMIT PARAUNIVERSITAR TË BASHKISË BERA 2026 - 2028"

Këshilli i Bashkisë Berat pasi mori në shqyrtim relacionin e paraqitur nga Kryetari i Bashkisë, bazuar në nenin 8 pika 2, nenin 9 pika 1/1.1 gërma "b", nenin 23 pika 12, neni 24 pika 1, nenin 54 gërma "k", neni 55 pikat 2 dhe 6 të Ligjit 139/2015 "Për Vetëqeverisjen Vendore", i ndryshuar, Ligjit nr. 69/2012 "Për sistemin arsimor parauniversitar në Republikën e Shqipërisë" i ndryshuar, Me propozim të Kryetarit të Bashkisë, në mbledhjen e datës 17.07.2025.

VENDOSI:

1. Të miratojë Planin e Arsimit Parauniversitar 2026 – 2028 të Bashkisë BERAT, bashkëngjitur këtij dokumenti.
2. Për zbatimin e këtij vendimi ngarkohet Drejtoria e Arsimit dhe Drejtoria Ekonomike e Finacës dhe Buxhetit .
3. Ky vendim hyn ne fuqi 10 ditë nga data e shpalljes.

KRYETARI I KESHILLIT
Evisa Çela